

Өвс хадлгын загьсна колхозмудар

Каспийск района загьсна колхозмудин олна малин тонь джил ирвас өсэд йовна. Загьс анһнлгьнас авчах олз-ору деер малин өгдг ору колхозин эдл-аху цаарандан өслгьнд ик дем болджана. Тегэд чигн колхозникуд загьсна көдлмшт тус-адг мет оньган мал өсклгьнд тавцхана.

Олна малд хойр джилд күрх хот белдхин төлә ода колхозмудт делгү ик көдлмш кегддж йовна. Хурдн ишкдлар өвс кегддж хуралгына көдлмш «Красный моряк» колхозд кегддж йовна. Энүнд 2.270 гектар газрт өвсн хадгдв, зурань 1.900 гектар батлгдсмн. 2 миньгышаху гектар газрин өвсн хурагдад авгдчкв, 560 тонн өвсн малин үвлзньгүр зөөгдв.

Колхоз өвс хадлгына көдлмшиг сулдхлго, бас 300—400 гектар газрин өвс хаддж хурахар зүткдж баанә. Энүнд көдлдж

йовх трактористнр үр У. Б.-Халгаев, Б. Очиров, Дорджиев норман өдр болгын холван күцәнә.

«2-я питилетка» колхоз 1.510 гектар газрин өвс хадх зурата баәсн, ода хадчксь 1.554 гектар. Энүгән дахдж, хуралгына көдлмш хурдар кегддж йовна. Трактористнр В. Кокшаев, В. Котиев, нань чигн улс өдр болгын даалгьвран 150—160 процент күргдж күцагьад, дөрлдәнә түрүнд йовна.

Болв, «Каспиец» колхоз өвс хадлгына көдлмшән сулар кегддж йовхиг темдглх кергтә. Колхоз зурагьан күцадж чадджахш. Энүнә учрнь—гардвр сул болсна уршг. Ода цаг түдälго өвс хадлгьнд баәх дутудундиг уурулдж, олна малд хойр джилд күрх хот белдлгьнә зурагьан күцах кергтә.

С. ГАРЯЕВ.